

醫方類聚卷之二百三十

婦人門 二十五

產後一



論

金匱方

產後病脈證治

小柴胡湯 大承氣湯 當歸生薑羊肉

湯 枳實芍藥散 下瘀血湯 大承氣

湯 陽旦湯 竹葉湯 竹皮大丸 白

頭翁加甘草阿膠湯 三物黃芩湯 內
補當歸建中湯

千金方

羚羊角散

下乳

鍾乳湯 漏蘆湯 漏蘆散 石膏湯

麥門冬散 鬼箭湯 甘草散 鯽魚湯

虛損

四順理中圓 桃人煎 石斛地黃煎

生地黃湯 藍青圓 赤石脂圓 赤散

黑散 黃散 竜骨散

淋濁

栝藋湯 鷄臍脰湯 石草湯 葵根湯

茅根湯 滑石散 竹葉湯

雜治

五加酒 當歸湯

補益

增損澤蘭圓 大補益當歸圓 白芷圓

小澤蘭圓 澤蘭散

千金翼方

甘草芍藥湯 牛膝丸

海上仙方

陰脫子腸不收

婦人乳少

婦人吹乳

產後無乳

產後咽喉

茯神湯 遠志湯 茯苓湯 安心湯

甘草圓 人參圓 大遠志圓

心腹痛

蜀椒湯 大巖蜜湯 乾地黃湯 芍藥

湯 當歸湯 桃人芍藥湯 羊肉湯

羊肉當歸湯 羊肉杜仲湯 羊肉生地

黃湯 內補芍藥湯 大補中當歸湯

桂心酒 生牛膝酒 吳茱萸湯 蒲黃

湯 敗醬湯 芍藥湯 獨活湯 芍藥

黃耆湯

惡露

乾地黄湯

桃人湯

澤蘭湯

甘草湯

大黃湯

柴胡湯

蒲黃湯

銅鏡鼻湯

小銅鏡鼻湯

梔子湯

生地黃湯

大

黃乾榛湯

麻子酒

升麻湯

下痢

膠蠟湯

桂蜜湯

當歸湯

鼈甲湯

龍骨圓

阿膠圓

澤蘭湯

乾地黄湯

地黄羊脂煎

地黄酒

羊肉湯

猪腎

湯

羊肉黃耆湯

鹿肉湯

麋骨湯

當歸芍藥湯

杏人湯

乳蜜湯

五石

湯

三石湯

內補黃耆湯

吳茱萸湯

猪膏煎

鯉魚湯

桂枝附子湯

虛燠

薤白湯

竹根湯

人參當歸湯

甘竹

茹湯

知母湯

竹葉湯

淡竹茹湯

赤小豆散

蒲黃散

蜀漆湯

芍藥湯

婦人門 二十六

產後二

千金方

中風

大豆紫湯 獨活紫湯 小獨活湯 甘

草湯 獨活湯 雞糞酒 防風湯 鹿

肉湯 獨活湯 大豆湯 五石湯 四

石湯 小紫胡湯 甘草湯 羊肉湯

葛根湯 防風酒 木防已膏 浴湯

產後心氣

產後血不止

產寶一

療產後心驚中風方

產後餘血奔心煩悶方

產後渴不止方

產後淋病諸方

產後虛羸下痢

產後腰痛羸瘦補玉門不閉方

產後中風方

產後餘血上搶心痛方

大蜜巖湯 當歸湯 羊肉湯 茱萸湯

產後汗不止方

粳米粉散

產後冷熱痢方

續命湯

產後虛羸諸方

增減澤蘭丸

療產後煩渴方

療產後煩悶虛熱方

產後血暈方

產後餘疾膿血方

療產後大小便數

產後小便遺血

產後大小便不通方

產後壯熱方

產後咳嗽方

產後氣痢方

產後血暈悶絕方

產後乳無汁

產後乳結癰方

產後乳汁自出方

產後下乳汁方

產後血結成淋方

許仁則祕方

當歸羊肉湯

產後咳逆方

婦人門 二十七

產後 三

產後

產後惡露方

豬腎湯

產後下利為渴方

產後腰痛方

產後脹滿痛方

產後驚悸方

金勝丸 黑散子 保命丸

聖惠方一

治產後中風諸方

獨活散 芎藭散 羌活散 側子散

羚羊角散 烏金煎 當歸散 牛黃散

烏蛇丸 石斛浸酒 獨活浸酒 烏鷄

散

治產後中風口噤諸方

防風散 羌活散 紫石英散 羚羊角

散 秦艽散 獨活散 天南星散 烏

蛇散 白殭蠶散 天麻散 伏龍肝散

麻黃散

治產後中風角弓反張諸方

防風散 獨活散 羚羊角散 側子散

龜腦散 天麻丸

治產後藏虛心神驚悸諸方

茯神散 竜齒散 白茯苓散 白羊心

湯 熟乾地黃散 牛黃散 琥珀散

遠志丸 丹砂丸 白茯苓丸

治產後中風恍惚諸方

琥珀散 獨活散 茯神散 遠志散

羚羊角散 天麻丸

治產後中風筋脉四肢攣急諸方

細辛散 芎藭散 獨活散 赤箭散

白花蛇散 羌活散 羚羊角丸

治產後傷寒諸方

桂心散 前胡散 半夏散 細辛散

枇杷葉散 葛根散 麻黃散 梔子人

散 麥門冬散 羌活散 射干散 白

朮散 前胡散 人參散

治產後寒熱諸方

猪腎湯 芎藭散 知母散 黃耆散

赤芍藥散 紅藍花散 石膏散 蓬莪

茂散

治產後咳嗽諸方

天門冬散 欵冬花散 犀角散 紫菀散
熟乾地黄散 人參散 桃人散
人參散

治產後嘔逆諸方

人參散 丁香散 白朮散 枇杷葉散

人參散 草薢散 訶梨勒散 白荳蔻散

肉荳蔻散 開胃散 琥珀膏

治產後霍亂諸方

白茯苓散 香薷散 人參散 丁香散

藿香散 厚朴散 白朮散 當歸散

附子散 溫中散 木瓜散 高良薑散

治產後頭痛諸方

白朮散 芍藥散 黃耆散 石膏散

茯苓散 前胡散 羚羊角散 人參散

白殭蠶丸

治產後虛喘諸方

五味子散 熟乾地黄散 黃耆散 桂

心散 五味子散

治產後虛汗不止諸方

黃耆飲子 白朮散 當歸散 牡蠣散

吳茱萸散 麻黃根散

治產後欬癆諸方

草薢散 厚朴散 丁香散 白荳蔻

丸

治產後積聚癥塊諸方

桃人散 京三稜散 鼈甲散 礪砂散

水蛭散 木香丸 桂心丸 鼈甲丸

桃人煎丸 乾漆丸 芫花丸 琥珀丸

礪砂丸 三稜丸 大黃煎 乾漆丸

芫花丸 破癥丸

治產後血痕諸方

琥珀散 肉桂散 當歸散 紅藍花散

乾漆丸 菴藺子丸 鼈甲丸 琥珀丸

騏驎竭丸 礪砂丸 芫花煎丸 礪黃

丸 沒藥丸 香墨丸 生地黄煎丸

治產後煩悶諸方

紫葛飲子 生地黄飲子 麥門冬散
黃耆散 蒲黃散 竹茹飲子 紅藍花
飲子 琥珀散 忽麻散

治產後煩渴諸方

生乾地黄散 菘蕪根散 黃耆散 紅
藍花散 人參散 蓮子房散 益母草
散 羚羊角飲子

婦人門 三十八
產後 四

聖惠方 三

治產後風虛浮腫諸方

大腹皮散 商陸散 漢防己散 葶藶
散 郁李人散 紫苑散 檳榔丸 澤
漆丸

治產後腰痛諸方

牛膝散 赤芍藥散 杜仲散 敗醬散
當歸散 沒藥散 仙靈脾散 石斛丸
杜仲浸酒

治產後崩中諸方

熟乾地黄散 阿膠散 騏驎竭散 龜

甲散 白芍藥散 側柏丸 阿膠丸

香墨散 地黃酒 赤菴皮散 菖蒲酒

治產後月水不通諸方

琥珀散 鬼箭羽散 牛膝散 赤龍皮

散 紅藍花散 益母草子散 虎杖散

蜜蟲散 牡丹丸 大黃丸 蟻螬丸

桐砂丸 菴蘭子酒 虎杖煎

治產後月水不調諸方

琥珀散 牡丹散 桑耳散 紫桂散

薑黃丸 菴蘭子丸 牛膝丸

治產後小便淋澀諸方

葵根散 滑石散 石韋散 貝齒散

黃芩散 葵子散 當歸散 大麻人散

治產後大小便秘澀諸方

檳榔散 榆白皮散 桃人散 木通散

桃花散 牽牛子丸 芫花丸

治產後赤白痢諸方

當歸散 黃耆散 木香散 薤白飲子

當歸散 地榆飲子 木香散 黃連丸

白朮丸

治產後痢膿血諸方

黃連散 赤石脂散 乾薑散 艾葉散

阿膠散 烏梅散 阿膠丸

治產後下痢諸方

乾薑散 膠鼓湯 當歸散 沒藥散

厚朴散 椽斗子散 神麴散 犀角散

附子丸 乾薑丸 木香丸 黃連丸

龜骨散 龜甲散 白頭翁丸

治產後小便數諸方

桑螵蛸散 麥門冬散 龜骨散 鹿茸

散

治產後小便血諸方

茜根散 石韋散

治產後血運諸方

赤馬通散 木漚麻散 牛膝散 牡丹散
烏金散 烏金散 烏金散 紅藍花散
赤竜驎散 忽麻散 紫湯 地黃酒
赤馬通飲子 白瓷藥散

治產後血運悶絕諸方

紅藍花散 牛膝散 蒲黃散 劉寄奴散
延胡索散 鬼箭羽散 荷葉散 生地黃飲子
益母草飲子 赤馬通散 百草霜散 劉寄奴散

治產後惡血衝心諸方

劉寄奴散 通神散 烏金散 烏金散
烏金散 鱸魚散 玳瑁散 麝香散
赤龍鱗散 騏驎竭散 沒藥丸 芫花散
生地黃飲子 益母草散 荷葉散
治產後惡血腹內疝刺疼痛諸方
菴藺子散 敗醬散 人黃散 益母草子散
琥珀散 牛李子散 騏驎竭散 石炭散
穿山甲散 烏鴉散 烏金散

類聚

十五

黑聖散 當歸散 硃砂丸 沒藥丸

騏驎竭丸 菴藺子丸 硃砂丸 紅藍

花煎 芫花丸

治產後血邪攻心狂語諸方

栝子人散 茯神散 羊腎湯 麝香散

琥珀散 金烏散 鐵粉丸 丹砂丸

麝香散 騏驎竭散

治產後惡露不下諸方

桃人散 益母草散 當歸散 劉寄奴

散 蒲黃散 荷葉散 當歸散 琥珀

散 牛膝散 芫花散 赤龍鱗散 蚘

蟲散 硃砂煎丸 鬼箭羽散

治產後惡露不絕諸方

牡蠣散 阿膠散 龜甲散 艾葉散

鹿茸散 補益阿膠丸 艾葉丸 熟乾

地黃丸 續斷丸 牡蠣散

治產後惡露不盡腹痛諸方

桃人散 牛膝散 澤蘭散 琥珀散

蘇枋木散 沒藥散 薑黃散 赤龍鱗
散 敗醬散 桃人散 延胡索散 烏
金散 煎漆散

治產後蓐勞諸方

黃耆散 熟乾地黄散 白朮散 猪腎
湯 腎瀝湯 白伏苓散 黃耆丸 熟

乾地黄丸

婦人門 二十九

產後 五

聖惠方 三

治產後虛羸諸方

人參散 熟乾地黄散 黃耆散 羊腎
湯 白朮散 人參散 續斷散 羚羊
角散 羊肉當歸湯 黃雌鷄湯 羊肉
黃耆湯 黃雌鷄湯 羊肉地黄湯 卷
栢丸 五石丸 熟乾地黄丸 補益紫
石英丸 補益澤蘭丸 熟乾地黄丸

治產後風虛勞損諸方

黃耆散 熟乾地黃散 當歸散 羌活

散 木香散 人參散 栝子仁丸 黃

耆丸 枸杞子丸 補益白薇丸 牛膝

丸 紫桂丸 白薇丸 澤蘭丸

治產後乳無汁下乳汁諸方

木通散 菡萏散 漏蘆散 鯽魚酒

葫蘆根散

治吹妳諸方

連翹散 升麻散 穿山甲丸 露蜂房

散 蛇蛻皮散 蛤粉丸

治妬乳諸方

連翹散

治產後兒枕腹痛諸方

牡丹散 木香散 騏驎竭散 桂心散

當歸散 延胡索散

治產後心痛諸方

熟乾地黃散 木香散 當歸散 桃人

散 芎藭散 青橘皮散 桂心散 吳

茱萸散

治產後心腹痛諸方

澤蘭散 白朮散 芍藥散 桃人散

當歸散 桂心散 芫花散 定痛散

礪石丸 蓬莪茂丸

治產後小腹痛諸方

雄黃散 沒藥散 琥珀散 紅藍花散

騏驎竭散

治產後兩脇脹滿諸方

當歸散 枳實散 厚朴散 白荳蔻散

陳橘皮散 桔梗散 木香丸 厚朴丸

和劑局方

澤蘭圓 當歸圓 芎藭湯 當歸散

漏蘆散 黑神散 濟危上丹 琥珀黑

竜丹 烏金散 調經散 調中湯 旋

覆花湯 人參當歸散 當歸養血圓

當歸黃芪湯 神授散 熟乾地黄湯

阿膠枳殼圓 失笑散 成煉鍾乳散

王嶽產書

產後保理法

產後運絕方

芎煎 神授烏金散 紅阿膠丸 地骨

皮湯 措齒散

大全本草

如聖散

三因方一

清魄散 半夏茯苓湯 牡丹散 芎藭

湯 見現圓 四物湯 增損四物湯

大調經散 五積散 調經散 加減茶

萸湯 枳朮湯 奪魂散 大調經散

調經散 七珍散

婦人門三十

產後六

三因方二

調中湯 沉香桃膠散 白頭翁湯 趁

痛散 趁痛散 五積散 麻仁圓 阿

膠枳殼真 固經圓 芍藥當歸加芍藥
湯 抵聖湯 奪命丹 芍藥湯 旋覆
花湯 大調經散 五積散 見現圓
大巖蜜湯 失笑散 小續命湯 小續
命湯 大豆紫湯 濟危上丹

蓐勞證治

石子湯

陰脫證治

硫黃散 當歸散 桃仁膏

下乳治法

漏蘆散 成煉鍾乳散 母猪蹄湯 青
桑膏

惡露證治

黑龍丹 當歸湯 奪命丹

虛煩證治

人參當歸湯 蒲黃散

虛渴證治

熟地黃湯 六氣經緯圓

淋閉證治

茅根湯

產後雜病治法

丁香散

調補法

當歸建中湯

濟陰丹

人參養血圓

羊肉湯

衛生十全方

無求子活人書

產後藥方

陽旦湯

神功圓

桂心牡蠣湯

增損

柴胡湯

竹葉防風湯

小柴胡湯

乾

姜柴胡湯

是齋醫方

產後

三聖散 六合散

吹妳

瑣碎錄

產後疾方

簡易方

大黑神散 愈風散 獨活湯 交加散

胎產救急方

鋪腸產

子腸不收

產門不閉

破傷風

陰腫

陰瘡

產後救急方

朱氏集驗方

產後

百草霜散 團參散 相皮湯 榴附飲

雙俱散 烏藥散 白及膏 孤鳳散

沒藥散

嚴氏濟生方

校正郭稽中產後論治

八珍散 小續命湯

產後雜病證治

當歸羊肉湯 猪腰子粥

管見大全良方

治婦人產後

玉露散 延胡索散 二味參蘇飲

婦人大全良方

產後通用方論

烏金散 四味湯 地黃煎 當歸散

周頌傳授濟急方

勝金圓 聖散子 黑散子 保生圓

朱砂圓 姜粉散 地黃酒 地黃圓

琥珀散 黑神散

產後血暈方論

芎藭湯 當歸芍藥湯

產後狂言譫語如存神靈方論

琥珀地黃圓 四物湯 小柴胡湯

產後乍見鬼神方論

柏子仁散 茯神散

產後臟虛心神驚悸方論

七寶散 琥珀地黃元

產後心驚中風方論

產後中風恍惚方論

天麻元

產後虛汗不止方論

麻黃根散 止汗散 人參湯

產後汗出多而變瘧方論

小續命湯 大豆紫湯

中風口噤角弓反張方論附

交加散

郭稽中產後中風方論

產後中風筋脉四肢攣急方論

產後遍身疼痛方論

五積散

產後腰痛方論

大豆酒 生地黃湯 如神湯 桃仁湯

五香連翹湯

產後惡露不絕方論

獨聖湯

產後惡露不下方論

備急丹

荷葉散

生料五積散

沒藥

元

產後餘血上搶心痛方論

大岩蜜湯

產後惡露不盡腹痛方論

地黃散

卷荷散

芸臺散

產後兒枕心腹刺痛方論

天仙藤散

蒲黃散

黑神散

黑神散

姜黃散

獨聖散

產後小腹疼痛方論

香桂散

紫金圓

婦人門 三十一

產後 七

婦人大全良方 二

產後寒疝

當歸建中湯 羊肉湯 羊肉湯

產後兩脇脹滿氣痛

當歸散

產後積聚癥塊

京三稜散 桂心元

產後血痕

鱉甲元 生地黃煎元 凌霄花散 蓬

莪茂散

產後餘血奔心煩悶

金黃散 沒藥元

產後虛煩

產後口乾痞悶

四物湯

產後血渴

黃芩散 栝樓根湯 竹葉湯 延胡散

產後乍寒乍熱方

五積散 知母湯

產後方論

草菓飲子 生熟飲子

產後蓐勞方

人參盤甲散 增損柴胡湯 黃芪元

牡丹散

產後虛羸方

人參散 澤蘭補虛元 羊腎湯 黃雌

鷄湯 當歸散 佛手散 當歸羊肉湯

產後風虛勞冷方

補益白薇元 延年澤蘭元 澤蘭元

延年增損澤蘭元

產後嘔逆不食方

產後霍亂方

訶子散 胡椒湯

產後傷寒方

秦艽盤甲散 人參輕骨散 神仙百解

散 陽旦湯

產後頭痛方

川芎散 芎附散 一奇散

產後咳嗽方

二母散

產後咳癆方

石蓮散 羌活散

產後血崩方

芎藭湯 阿膠元 瑞蓮散

產後月水不通方

產後四肢浮腫方

的奇散 產後腹痛及瀉痢方

產後赤白痢疾及虛羸氣痢方

菖蓮元 膠蠟湯 礪砂煎元 桂元

產後痢疾作渴方

產後大小便不通方

葵根湯

產後遺糞方

產後諸淋方

滑石散 木通散

產後小便數方

括樓湯

產後小便不禁方

固脬散

產產陰脫玉門不開方

當歸散 玉竜湯 檮枝散 皂角散

產後乳汁或行或不行方

湧泉散

產後乳汁自出方

產後吹妳方

括樓散 天南星散 皂角散

產後妬乳方

婦人女子乳頭生小淺熱瘡搔之黃

汁出方

赤龍皮湯 天麻草湯 飛鳥膏散

黃連胡粉膏散

宜明論

當歸人參散 辰砂大紅丸 參聖散
沒藥丹 朱砂班猫丸

東垣試效方

半產妄用寒涼藥有悞論

全生活血湯

御藥院方

黑神丹 當歸血竭丸

得效方

遺溺

補脾飲

恠疾

產後

芸薹散 半夏茯苓湯 芎歸湯 加味

五積散 逍遙散 五苓散 黃耆流損

湯 柴胡地黃湯 神效白散子 大聖

散 蘇合香圓 妙香散 大聖散 獨

活寄生湯 麻黃根散 如神湯 五香

連翹湯 五苓散 理中圓 加附子來

復丹 大科煮芎藭湯 四物湯 當歸
芍藥散 黃耆散 小調經散 石連散
加味五積散 四君子湯 黃連阿膠圓
理中湯 養藏湯 阿膠枳殼圓 四物
湯 蘇麻粥木通散 蒲黃散 濟陰丹
人參養血圓 內炙散

下乳汁

澹軒方

初產後

產中風搐

產前後血渴

血暈

產後渴

產後傷風眼昏

乳硬

產後發狂

產後陰脫腸脫

產後血渴

產後血上心

產後大便秘

肘後方

治產後諸色諸患方

澤蘭湯 小豆湯 羊肉湯 補湯 膏

蜜湯

澹寮方

黑神散 蒲萸黑神散 花蔞石散 羊

肉散 山蘄散 當歸建中湯 濟危上

丹 大紫豆湯

衛生寶鑑

產後扶持榮衛

犀角飲子 牡丹皮散 枳殼丸 湧泉

散 勝金丹

聖濟總錄

漏蘆散

產後惡露不斷

敗醬飲 艾葉飲 阿膠散 龍骨丸

虎掌飲 人參飲 地榆飲 桑耳飲
芍藥丸 栢葉湯 地黃丸 秦艽湯
寄生丸 蛇黃散

產後血氣攻腹痛

鬼箭羽湯 黃耆湯 乾地黃湯 白朮湯
芍藥湯 芍藥湯 地黃芍藥湯
芍藥前胡湯 桔梗湯 芍藥湯 琥珀煎
鱉甲當歸散

產後血塊攻築疼痛

琥珀散 蓬莪茂散 商陸散 姜黃散
地黃散 姜黃散 蓬莪茂散 當歸湯
紫葳湯 牡丹散 吳茱萸丸 生地黃飲
姜黃散 乾地黃散 礪砂散 烏雞飲 芍藥散
婦人門 三十二
產後 八
聖濟總錄 二
產後中風

大續命湯 竹葉湯 羊肉當歸湯 知
 母湯 人參湯 石膏湯 獨活湯 芍
 藥湯 芎藭湯 蠶蛾散 芎藭湯 麻
 黃湯 獨活防風散 獨活煮散 羌活
 防風湯 黑豆酒 地黃酒 紫葛散
 吳茱萸飲 羌活酒 黃土酒 白朮酒
 產後中風口噤
 附子湯 葛根湯 人參湯 地黃湯
 獨活湯 小續命湯 竹瀝湯 桂心湯

紫石英飲 天麻散
 產後中風偏枯
 天雄散 椒附湯 菖蒲湯 獨活湯
 防風湯 地黃湯 黃耆酒 獨活飲
 芍藥湯 當歸飲
 產後中風角弓反張
 大黃湯 竹瀝湯 當歸湯 麻黃湯
 獨活湯 茯苓湯 芎藭湯 犀角散
 天麻丸 黑豆酒 地黃酒 麻黃湯

大蒜湯

產後傷寒

桂枝湯 前胡湯 荆芥湯 人參湯

小茈胡湯 石膏湯 芍藥湯 竹葉湯

麻黃湯 柴胡湯 羌活湯 麻黃湯

羚羊角飲

產後霍亂

厚朴湯 厚朴湯 四逆四正湯 枳殼

湯 葛根湯 藿香湯 豬膽湯 厚朴

湯 木瓜湯 人參湯 厚朴湯 當歸

湯 蘆根飲 白朮湯 胡椒湯 乾姜

湯 厚朴湯 木香丸

產後寒熱瘧

犀角飲 小茈胡湯 秦艽湯 茈胡湯

木香丸 芍藥飲 人參飲 烏梅飲

七勝飲 知母飲 常山飲

產後頭痛

茯苓湯 羌活湯 大三五七散 防風

湯 麻黃湯 防風湯 茯苓前胡湯
獨勝湯 羌活湯 茯苓黃耆湯 羚羊
角湯

產後腰痛

芍藥湯 芍藥湯 附子丸 丹參丸
續斷飲 羚羊角飲 牡丹湯 熟乾地
黃散 人參湯 當歸黃耆湯 楮實丸
產後嘔逆
人參湯 白朮湯 藿香湯 厚朴湯

香薷湯 溫中散 木瓜湯 丁香丸
檳榔湯 丁香丸 丁香散 人參枳殼
散

產後煩悶

淡竹葉湯 蒲黃散 麥門冬湯 黑金
散 羚羊角散 地黃飲 紫葛飲 竹
茹散 人參散 人參丸 白茯苓湯
當歸湯 真氣湯
產後虛熱

逍遙湯 地黃湯 桂心湯 當歸湯
 芍藥湯 栝子仁丸 芫胡湯 芍藥湯
 香豉湯

產後虛渴

乾地黃湯 石斛丸 蘆根飲 葛根飲
 黃耆湯 竹葉湯 苜蒲散 薑米湯
 地黃散 地黃當歸湯 麥門冬人參湯

產後短氣

人參湯 前胡湯 白朮湯 枳實半夏

湯 地黃飲 半夏丸

產後上氣

杏仁飲 桑白皮湯 紫蘇子飲 人參
 湯 赤茯苓飲 紫苑湯 橘皮散 大
 腹湯 潤氣煎

產後驚悸

遠志湯 琥珀散 人參湯 芍藥湯
 羊心湯 麥門冬湯 人參湯 茯神湯
 產後咳嗽

百部湯 皂莢丸 半夏湯 紫苑湯

黃耆湯 柴胡湯 百部丸 十味丸

黃耆湯 白前湯 前胡湯 地骨皮湯

吳茱萸湯

產後虛羸

芍藥湯 當歸湯 烏雞湯 羊肉黃耆

湯 人參湯 當歸丸 黃耆湯 澤蘭

丸 芍藥湯 芫胡湯 羊肉湯 補虛

湯 澤蘭丸

產後汗出不正

附子湯 地髓湯 甘草湯 茯苓湯

牡蠣散 芍藥湯 黃耆湯 二聖散

麻黃根湯 人參散 石斛湯

產後蓐勞

桂心散 芫胡人參湯 茯苓丸 豬腎

湯 芫胡湯 熟乾地黄湯 黃耆湯

紫石英湯 芍藥湯 豬腎湯 乾地黄

丸 白薇丸 澤蘭丸

產後泄瀉

附子丸 地榆散 白堊丸 龍骨丸

厚朴湯 人參丸 赤石脂丸 四勝丸

木香湯 厚朴湯 阿膠丸 肉豆蔻散

熟艾丸 厚朴湯

婦人門 三十三

產後九

瑞竹堂方

拔粹方

三之一湯 加減羌活湯 荆芥散

產後二證

小柴胡加生地黃湯 芍藥梔鼓湯 桂

心丸 黃耆丸 黃連丸 增損柴胡湯

秦艽湯 荆芥散 防風湯 三分散

血風湯 沒藥散 加減四服湯 四物

湯 紅花散 當歸散

醫方大成

八珍散 黑龍丹

醫方集成

橘杏丸 黑龍丹 當歸羊肉湯

南北經驗方

加減四物湯 神仙索金散

袖珍方

產後眾疾

四味湯 當歸散 橘香散 枳實芍藥

湯 血竭破棺丹 返魂丹 荷葉散

延胡索散 漢防已散 三分散 千金

散

永類鈴方

漏蘆散 連翹湯 當歸散 琥珀散

花藥石散 牛膝散 芍歸湯

產後惡露不下

生料五積散 姜黃散 增損四物湯

黑龍丹 如神湯 小續命湯

產後中風諸證

小續命湯 桂枝加葛根湯 大聖澤蘭

散 琥珀地黃元 栢子仁散 扶神散

七寶散 趁痛散 黑龍丹

產後血渴

黃金散

產後傷寒

人參當歸散 增損柴胡湯

產後喉中氣急喘促

參蘇散

產後月水不調血崩

經驗良方

婦人產後諸證

連翹消毒飲 樺皮散

醫林方

當歸散 烏金散 黑白散 紫金丹

羌活湯 寸金散 紫金丹

烟霞聖効方

鐵柱杖丸 救苦散

施圓端効方

琥珀散 大烏金散 大進黑神散 柴

胡當歸湯 椒朴丸 得聖丸

吳氏集驗方

縛手散

神效名方

白朮散

事林廣記

山居四要

徐氏胎產方

產後諸疾

小續命湯 益元散 增損柴胡散 黃

連九 苽萸散 下乳散

玉機微義

瘧

舉卿舉敗散

產後雜方

芎歸湯 黑神散 人參當歸散 當歸

黃芪湯 失笑散 三聖散 清魂散

抵聖湯 當歸羊肉湯 茯苓散 增損

柴胡湯 血風湯 愈風散 獨行散

當歸散 黃芪湯 加減四物湯 參朮

膏 趁痛散

壽域神方

坤道部

衛生易簡方

腸脫陰腫

產後血暈

產後中風

乳汁少

吹乳

產後

金匱鈎玄

補虛藥

備預百要方

餘藥無名者散見本方

食治

禁忌
鍼灸

產後一

巢氏病源

產後血運悶候

運悶之狀心煩氣欲絕是也亦有去血過多
亦有下血極少皆令運若產去血過多血虛
氣極如此而運悶者但煩悶而已若下血過
少而氣逆者則血隨氣上掩於心亦令運悶
則煩悶而心滿急二者爲異亦當候其產婦
血下多少則知其產後應運與不運也然煩

悶不止則斃人凡產時當向坐卧若觸犯禁忌多令運悶故血下或多或少是以產處及坐卧須順四時方面避五行禁忌若有觸犯多招灾禍也

產後血露不盡候

凡任娠當風取涼則胞絡有冷至於產時其血下必少或新產而取風涼皆令風冷搏於血致使血不宜消蓄積在內則有時血露淋瀝下不盡

半產候

半產謂任娠兒骨節腑臟漸具而日月未足使產也多因勞役驚動所致或觸犯禁忌亦然也

產後腹中痛候

產後臟虛或宿挾風寒或新觸冷與氣相擊搏故腹痛若氣逆上者亦冷心痛胃脇痛也久則變成疝瘕

產後兩脅腹滿痛候

膀胱宿有停水因產惡露下少血不宜消水
血壅否與氣相搏積在膀胱故令脅腹俱滿
而氣動與水血相擊則痛也故令兩脅腹滿
痛亦令月水不利亦令成血瘕也

產後虛煩短氣候

此由產時勞傷重者血氣虛極則其後未得
平和而氣逆乘心故心煩也氣虛不足故短
氣也

產後上氣候

肺主氣五臟六腑俱稟氣於肺產則氣血俱
傷臟腑皆損其後肺氣未復虛竭逆上故上
氣也

產後心虛候

肺主氣心主血脈而血氣通榮腑臟徧循經
絡產則血氣傷損臟腑不足而心統領諸臟
其勞傷不足則令驚悸恍惚是心氣虛也

產後虛煩候

產血氣俱傷臟腑虛竭氣在內不宜故令煩

也

產後虛熱候

產後腑臟勞傷血虛不復而風邪乘之搏於血氣使氣不宣泄而否澁生熱或支節煩憤或脣乾燥但因虛生熱故謂之虛熱也

產後虛羸候

夫產損動腑臟勞傷氣血輕者節養將攝滿月便得平復重者其日月雖滿氣血猶未調和故虛羸也然產後虛羸將養失所多沉滯

勞瘠乍起乍卧風冷多則脾瘦顏色枯黑食飲不消風熱多則腰退虛乏顏色無異於常食亦無味甚傷損者皆著床此勞瘠也

產後風冷虛勞候

產則血氣勞傷腑臟虛弱而風冷客之風冷搏血氣血氣則不能自溫於肌膚使人虛乏疲頓致羸損不平復謂之風冷虛勞若久不瘥風冷乘虛而入腹損於血則否澁入腸則下利不能養或食不消入于臟并胞臟冷亦

使無子也

產後汗血候

肝藏血心主血脈產則勞損肝心傷動血氣血爲陰陰虛而陽氣乘之卽令汗血此爲陰氣大虛血氣傷動故因汗血出乃至斃人

產後餘疾候

產後餘疾由產勞傷腑臟血氣不足卅月未滿而起早勞役虛損不復爲風邪所乘令氣力疲乏肌肉柴瘦若氣冷入於腸胃腸胃虛

冷時變下利若入搏於血則經水否澀冷搏氣血亦令腹痛隨腑臟虛處乘虛傷之變成諸疾以其因產傷損餘勢不復致羸瘠疲頓乍瘥乍甚故謂產後餘疾也

產後中風候

產則傷動血氣勞損腑臟其後未平復起早勞動氣虛而風邪乘虛傷之致發病者故曰中風若風邪冷氣初客皮膚經絡疼痺不仁若乏少氣其人筋脈挾寒則攣急過僻挾渴

則強脈緩弱若人傷諸臟腑恍惚驚悸隨其所傷腑臟經絡而爲諸疾凡中風風先客皮膚後因虛入傷五臟多從諸臟俞入若心中風但得偃卧不得傾側汗出老脣赤汗流者可治急灸心俞百壯脣或青或白或黃或黑此是心壞爲水面目亭亭時悚聽皆不可復治五六日而死若肝中風視坐不得眩頭若繞兩日連額上灸微指青脣青面黃可治急灸肝俞百壯若大青黑面一黃一白者是肝

已傷不可復治數日而死若脾中風踞而腹滿體通黃吐鹹水出可治急灸脾俞百壯若手足青者不可復治也腎中風踞而腰痛視脅左右未有黃色如餅飴大者可治急灸腎俞百壯若齒黃赤鬢髮直面上色不可復治也肺中風偃卧而脅滿短氣冒悶汗出視目下鼻上下兩邊下行至口色白可治急灸肺俞百壯若色黃爲肺已傷化爲血而不可復治其人當妄撥空或自拈衣如此數者死

產後中風瘖候

產後中風瘖者因產傷動血脉臟腑虛竭飲食未復未滿日月榮衛虛傷風氣得入五臟傷太陽之經復感寒濕寒搏於筋則發瘖其狀口急噤背強直搖頭馬鳴腰爲反折須臾十發氣急如絕汗出如雨手拭不及者皆死

產後中柔風候

柔風者四肢不收或緩或急不得俛仰也山陰陽俱虛風邪乘之風入於陽則表緩四肢

不收也入於陰則裏急下得俛仰也產則血氣皆損故陰陽俱虛未得平復而風邪乘之故也

產後中風不隨候

產後腑臟傷動經絡虛損日月未滿未得平復而起早勞動風邪乘虛入邪搏於陽經者氣行則遲機關緩縱故令不隨也

產後風虛癩狂候

產後血氣俱虛受風邪人并於陰則癩忽發

固地吐涎口喎月急手足繚左又無所覺知
良久乃甦是也邪入并於陽則狂發則言語
倒錯或自商賢或罵詈不避尊卑是也產則
傷損血氣陰陽俱虛未平復者爲風邪所乘
邪乘血氣乍并於陽乍并於陰故癲狂也

產後月水不利候

手太陽少陰之經主下爲月水太陽小腸之
經少陰心之經也心主血脈因產傷動血氣
其後虛損未復而爲風冷客於經絡冷搏於

血則血凝澁故令月水不利也

產後帶下候

帶下之病由任脈虛損任脈爲經絡之海產
後血氣勞損未平復爲風冷所乘傷於任脈
冷熱相交冷多則白多熱多則赤多也相兼
爲帶下也

又云帶下有三門一曰胞門二曰龍門三曰
玉門產後屬胞門謂因產傷損胞絡故也

產後利腫候

因產勞傷榮衛脾胃虛弱風冷乘之水穀不結大腸虛則洩成利也利而腫者脾主土候肌肉土性本剋水今脾氣衰微不能剋消於水水氣流溢散在皮膚故令腫也

產後虛冷洞利候

產勞傷而血氣虛極風冷乘之入於腸胃腸胃虛而暴得冷腸虛則泄遇冷極虛故變洞利也

產後滯利候

產後虛損冷熱之氣客於腸間熱乘血而滲於腸則赤冷搏腸間津液則變白其冷熱相交故赤白相雜連滯不止故謂滯利也

產後冷熱利候

產後臟虛而冷熱之氣入於腸胃腸虛則泄故成冷熱利凡利色青與白爲冷黃與赤爲熱不止熱甚則變生血冷極則生白膿膿血相雜冷熱不調則變滯利也

產後客熱利候

產後臟虛而熱氣乘之熱入於腸腸虛則洩故為客熱利色黃是也熱甚則黃赤而有血也

產後赤利候

赤利血利也因產後血虛為熱氣所乘熱搏血滲入腸腸虛而洩為血利凡血利皆是多熱熱血不止瀝瘀成膿血利也

產後陰下脫候

產而陰脫者由宿有虛冷因產用力過度其

氣下衝則陰下脫也

產後陰道痛腫候

臟氣宿虛因產風邪乘於陰邪與血氣相搏在其腠理故令痛血氣為邪所壅否故腫也

產後陰道閉候

子臟宿虛因產冷氣乘之血氣得冷不能相榮故令閉也

產後遺尿候

因產用氣傷於膀胱而冷氣入胞囊胞囊缺

漏不禁小便故遺尿多因產難所致

產後渴利候

渴利者渴而引飲隨飲隨小便而謂之渴利也膀胱與腎爲表裏膀胱爲津液之府婦人以腎繫胞產則血水俱下傷損腎與膀胱之氣津液竭燥故令渴也而腎氣下通於陰腎虛則不能制水故小便數是爲渴利也

產後大小便血候

夫產傷動血氣腑臟勞損血傷未復而挾於

熱血得熱則妄行大腸及胞囊虛者則血滲入之故因大小便而血出也

產後大便不通候

腸胃本挾於熱因產又水血俱下津液竭燥腸胃否澀熱結腸胃故大便不通也

產後小便不通候

因產動氣氣衝於胞胞轉屈辟不得小便故也亦有小腸本挾於熱因產水血俱下津液竭燥胞內熱結則小便不通也然胞轉則小

腹脹滿氣急絞痛若虛熱津液竭燥者則不甚腸急但不通津液生氣和則小便也

產後小便難候

產則津液空竭血氣皆虛有熱客於胞者熱停積故少便否澀而難出

產後時氣熱病候

四時之間忽有非節之氣而爲病者謂之時氣產後體虛而非節之熱氣傷之故爲產後時氣熱病也診其脉弦小者足溫則生足寒

則死凡熱病脉應浮滑而懸急以爲不順手足應溫而反冷爲四逆必死也

產後瘧候

大瘧者由夏傷於暑客在皮膚至秋因勞動血氣腠理虛而風邪乘之動前暑熱正邪相擊陰陽交爭陽盛則熱陰盛則寒陰陽更盛故發寒熱陰陽相離則寒熱俱歇若邪動氣至交爭復發故瘧休作有時其發時節漸晏者此由邪客於風府邪循脊而下衛氣一日

一夜常大會於風府其明日下一節故其作
日晏其發早者衛氣之行風府日下一節二
十一日至尾骶二十二日入脊內上注於伏
衝之脉其行九日出於缺盆之內其氣既上
故其病發更早其間日發者由邪氣內薄五
臟橫連募原其道遠其氣深其行遲不能日
作故間日蓄積乃發產後血氣損傷而宿經
傷暑熱今因產虛復遇風邪相折陰陽交爭
邪正相干故發作成瘧也

產後癥候

癥病之候腹內塊按之牢強推之不移動是
也產後而有癥者由臟虛餘血不盡爲風冷
所乘血則凝結而成癥也

產後癖候

癖病之狀脇下弦急刺痛是也皆由飲食冷
熱不調停積不消所成產後臟虛爲風冷搏
於停飲結聚故成癖也

產後內極七病候

產後血氣傷竭爲內極七病則舊方所云七
害也一者害食二者害氣三者害冷四者害
勞五者害房六者害任七者害睡皆產時傷
動血氣其後虛極未平復犯此七條而生諸
病凡產後氣血內極其人羸疲萎黃冷則心
腹絞痛熱則肢體煩疼經血否澀變爲積聚
癥瘕也

產後目瞑候

目不痛不腫但視物不明謂之目瞑肝藏血

候愈於目產則血處肝氣不足故目瞑也

產後耳聾候

腎氣通耳而婦人以腎繫胞因產血氣傷損
則腎氣虛其經爲風邪所乘故令耳聾也

產後虛熱口生瘡候

產後口生瘡者心藏虛熱心關竅於口而主
血脈產則血虛臟有客熱氣上衝胃膈熏發
於口故生瘡也

產後身生瘡候

產則血氣傷損腠理虛爲風所乘風邪與血氣相搏臟腑上熱熏發肌膚故生瘡也

產後乳汁溢候

婦人手太陽少陰之脉上爲乳汁其產雖血水俱下其經血盛者則津液有餘故乳汁多而溢出也

千金方

虛損

凡婦人非止臨產須憂至於產後人須將慎

危篤之至其在於斯勿以產時無他乃縱心恣意無所不犯犯時微若秋毫感病廣於嵩岱何則產後之病難治於餘病也婦人產訖五臟虛羸惟得將補不可轉瀉若其有病不須駛藥若行駛藥轉更增虛就中更虛向生路遠所以婦人產後百日已來極須慤歎憂畏勿縱心犯觸及卽更行房若有所犯必身反強直猶如角弓反張名曰蓐風則是其犯候也若似角弓命同轉燭凡百女人宜好思

之苟或在微不慎戲笑作病豈朝困卧控告
無所縱多出財寶遍處求醫醫者未必解此
縱得醫來大命已去何處追尋學者於此一
方大須精熟不得同於常方耳特忌上廁便
利宜室中盆上佳

凡產後滿百日乃可合曾不爾至死虛羸百
病滋長慎之

凡婦人皆患風氣臍下虛冷莫不出此早行
房故也

凡產後七日內惡血未盡不可服湯候臍下
塊散乃進羊肉湯有痛甚切者不在此例後
三兩日消息可服澤蘭丸比至滿月丸盡爲
佳不爾虛損不可平復也全極消瘦不可救
者服五石澤蘭丸凡在蓐必須服澤蘭丸補
之服法必七日外不得早服也
凡婦人因暑月產乳取涼太多得風冷腹中
積聚百病竟起迄至於老百方治不能瘥桃
人煎主之出蓐後服之婦人縱令無病每主

秋冬須服壹兩劑以至年內常將服之佳
聖惠方

產婦將護法

凡產生雖然觸穢排比切務清虛要在先看
產圖次檢日遊所在癸巳日入人家房然後
安排產婦備辦湯藥不得令人力雜亂大小
蒼忙驚動產婦祇可令親屬壹兩人及祇承
人等看待若產婦腹痛雖甚且須令凭人徐
行直待兒逼欲生方始令坐慎勿坐早坐早

則子在腹中難爲轉動遂有難產不測之憂
若母子纔獲分解且不得問是男女須速與
產母童子小便壹盞令飲不得與酒緣酒引
血迸入四肢兼產母藏腑方虛熱酒入在腹
中必致昏悶可與醋墨服之不得過多雖醋
破血而又傷肺因成欬嗽皆由此也若產婦
分解之後頻燒磚石投醋中使常聞猛醋烟
氣以防蓮也凡生產畢且令飲童子小便了
不得便卧且候須臾方可仰臥立膝高椿床

頭厚鋪衲褥遮攔四壁使無孔隙免其賊風
煎時時令人從心上斡至臍下如此一日可
止宜且食白粥壹味時飲童子小便壹盞七
日後方可少進醇酒并少許鹽味半月之後
漸食煮肉出月之後方可食麵仍不得思慮
憂恚恐有傷亂待敗血盡腑藏自然安和在
壹百日內切須慎護將攝不得自言平復取
次爲之脫有觸傷便難整理大凡產婦百日
之後始得兒全竊見今時婦人不自知覺唯

言滿月便云平復或飲食不節或觸冒風寒
喜怒高聲勞動用力氣血未復情慾不恒百
脉旣傷諸疾遂作故成五勞七傷之病也
和劑局方

產後將護法

按經云婦人非止臨產須憂至於產後大須
將理慎勿以產時無他乃縱心恣意無所不
犯犯時微若秋毫感病重於嵩岱且纔得分
免切忌問是男是女看血下多少隨證服壓

血運藥良久喫粥服四順理中圓便令人從
心下按至臍腹日五七次若有疾證卽隨證
服藥粥藥相間頻頻服餌且宜閉目而坐背
後倚物左右看承常令直立兩膝雖時眠睡
頻令喚覺過壹伏時方得上床亦須立膝高
楮床頭厚鋪裯褥遮圍四向窒塞孔隙以禦
賊風膏臘之內常聞醋烟以防運悶一臘之
後漸加滋味或以羊肉及雌鷄煮取濃汁作
糜粥直至百晬常服當歸圓當歸建中湯四

順理中圓日各壹兩服以養藏氣補血脈兩
臘之後方得食糜爛肉食滿月之內尤忌任
意飲食觸冒風寒恣意喜怒梳頭川力高聲
作勞工巧之類上廁便溺如此節養將攝以
至百晬始得氣血和調腑藏平復設不依此
卽致產後餘疾
和劑指南

論產後諸疾

皆因新產去血過多津液燥少陰陽俱虛職

腑怯弱切不可發汗及轉積令吐瀉藥亦不可服太燥熱藥補之只可用溫和藥漸次加減調理不可取目前之急亂投湯藥反生他疾罪福非輕切宜戒之新產血氣俱虛不可太補恐增寒熱常令惡露去盡爲佳可與黑神散大聖散澤蘭散蒲黃散 產後去血過多昏迷運悶精神錯亂皆因去血過多氣血無所主可與芎藭湯大聖散飯飲調下不效者與花藥石散保安膏 產婦常用聞醋炭

氣爲佳 產後忽然發熱渾身拘急者可與四物湯兼用人參當歸散逍遙散 產後腹中塊上中作痛者皆由惡露未盡新血未散血相搏可與黑神散蒲黃散依依煎兼與蓬瀉圓琥珀圓 產後惡露方下忽然斷絕寒熱往來晝靜暮劇語言狂亂如見鬼神狀此因熱入血室可與琥珀圓四物湯淨加柴胡梔錢重煎服如不退者用小柴胡湯加生地黃三兩並搗碎同煎服 產後去血多津液

少陰陽皆虛凡有傷寒時氣之疾雖當發汗者切不可太過但可與輕骨散五積散敗毒散神木散和解散大聖散之類 產後六七日忽然臍腹作痛皆因呼吸之間冷氣乘虛而入可與當歸建中湯理中圓通真圓溫經湯大沉香圓並煎散不退者與服平胃散吞下茴香圓 產後腹痛甚者可與花藥石散太岳活血丹 產後煩渴欲飲冷者皆因去血過多陰氣衰少客陽乘之當助其內可與

四物湯每服加烏梅兩介同煎渴不止與五苓散熟湯調服 產後驚風狂言亂語如對鬼神精神不定者可與龍虎丹三圓作壹服研好朱砂溫酒調下兼服琥珀圓 產後血氣頻增昏沉不省身如針刺髮隨梳落或遍身虛腫者可與竜虎丹三圓作壹服用當歸煎酒嚼下如癢痒者兼服人參荆芥散 產後乳汁不行者不可服諸行血藥致生他病只可服滋養血氣藥自然血脉旺盛乳汁自

調可與四物湯熟乾地黃圓白薇圓內補當
歸圓益陰丹大順散澤蘭散之類 產後大
便不通或秘滿者糝內無津液膠胃乾燥切
不可用猛烈藥下之恐生它疾可與四物湯
加青皮去白每服入半錢拌勻同煎服更不
通者可與麻仁圓三和散 產後轉胞小便
不通者可與八味圓 產後吹乳急宜治之
不爾結成膿血可與太岳活血丹及食後服
消毒犀角飲以手按患處緩緩操之次用三

仙散抹患處乳頭上不可搽藥恐小兒食乳
悞喫其漿極麻粹服前藥未效可與服透冰
散又方若夏秋只用芙蓉葉擣研爛入新井
水調稀得所塗患處乳頭周圍亦不可塗藥
傷寒類書

產婦傷寒

或問婦人傷寒可得聞乎曰傷寒三百九
七條壹百壹十三方此張氏截然之筆削也
於某證則有某藥曷嘗以男女爲別哉要之

月事去來產前產後男子所無請發明其蘊以解世俗之惑蓋婦人以血爲主發熱惡寒經水適來經日熱除而胃滿讖語者是則邪氣結於胃脇當刺期門隨其實而收之傷風經日續生寒熱發作似瘧而經水適斷者是則血結而不行當以小柴胡湯散之所謂治之而愈者此也至如傷寒發熱經水適來晝醒暮讖如見怪狀是則裏無留邪熱隨血散所謂不治自愈者此也前乎吐血下血兩條

併以犀角地黃湯桃仁承氣湯抵當湯圓之類言之詳矣抑產前產後治法將何擇焉曰產前安胎產後消瘀於是遵依條例斟酌輕重而條理之安胎者何桑寄生阿膠縮砂爲要藥他如桂枝半夏桃仁大黃墮胎及燥熱等輩則不可輕用也消瘀者何川芎蒲黃赤芍藥生地黃爲要藥他如內補攔住敗血之劑則不可輕進也朱氏以阿膠桑寄生人參茯苓白朮等而細末糯米飲調劑爲孕婦安

胎以紅花壹分官桂芍藥甘草半之黃棗同煎爲解表消瘀以葱白生薑大劑濃汁爲產前發散以小柴胡湯去半夏和解熱入子宮郭稽中以枳殼防風壹度甘草減半末之點服主大便秘澁又以蜜導壹法真可活人然則產婦證治觀此可以問津索塗矣雖然知安胎則不可不調氣知消瘀則不可不扶虛枳殼香附陳皮以調氣也當歸川芎黃耆人參以扶虛也退熱則柴胡黃芩解肌則紫蘇

乾葛滋腸則麻仁枳殼助陽則乾薑良薑其間採摭雖未備古人之經然而甘辛爲陽酸苦爲陰皆不越古人之意姑存之篇末以便學者之觀覽云
直指方

產婦血塊築痛

此候因產斷趕血未盡所致世俗收生多就踏板趕血不思生產之時已坐草近地久矣產畢臟腑虛空又且近地趕血冷濕乘之風

邪入之使敗疼凝爲血塊是爲血母衝築硬痛非乳香沒藥延胡索五靈脂輩所能療也治法不換金正氣散加辣桂川芎白芷蓬朮乾薑同煎乘熱入法醋連進兩服冷濕風邪一散其塊自消散瘀皆從大小便而出凡新產須就床上趕血下帳避風

發症詳證

盧江劉寶云產寶所載方藥甚詳獨無產後中風角弓反張一證按產後中風因懷胎時

多陷生冷脾胃受濕復經乳臥之後津液內竭履地太早脫著不時以致風邪乘虛入於足太陽之經其證發熱頭疼或時不熱喘息痰咳言語不倫漸覺牙關緊急十指微動如摸物之狀加以項背強直或啞或叫目睛直視腸滑不禁身如反弓轉側不仁如此十無一生活人書謂太陽發症是爾凡產後初得發熱常須審視若唇急舌蹇手指微動便以中風藥品急治之用藥歸荆湯獨活酒附在

濕門獨荆散防風散續命湯見附婦人方中
男女通用

管見大全良方

產後將護法

凡婦人纔產畢切不得便問是男是女且令
飲童子小便膏盞不得便臥且宜閉目而坐
須臾方可扶上床仰臥不可側臥宜立膝不
可伸足高倚床頭厚鋪茵褥遮圍四壁使無
孔隙免被賊風時時令人以物從心擗至臍

下使惡露不滯如此三日方可止仍不可多
臥看承之人宜頻喚醒方產畢先研醋墨三
分服之不得太酸酸則傷肺成咳嗽也更產
後三日令產婦常聞醋炭氣或先喫真花蘘
石散半貼以防血逆血迷血暈胞衣不下之
患次服黑神散壹二服却喫白粥切不可飲
酒膏臘七日也之後方可爛煮雌雞少喫些小
以汁煮粥漸漸補助或獾猪前蹄不可用白
猪花猪白脚猪猪母等肉最生風疾更不可

療須子細探問 若未滿月不宜多語喜笑
驚恐憂惶哭泣思慮恚怒強起離床行動久
坐久立用力工巧房勞等事 及恣食生冷
粘硬菓菜肥膩魚肉鹽醋鮮醬醃藏之物
更宜避風寒不可脫衣洗浴仍不可用冷水
洗濯當時雖未覺病輕則爲勞宿疾重可
死矣如此將息滿百晷方妙 若夜間產婦
不可獨處緣去血則心虛恐有驚悸之患所
有血衣洗濯不可於日中曬暴免惹邪祟不

得濯足恐血氣攻下不得刮舌刷齒傷心不
宜就下梳頭恐成血逆血迷血暈之患仍不
可登高廁已上避忌須滿百晷方免生疾
若有疾病並可依郭稽中二十一論方藥調
理不可輕信庸俗之醫妄授一方輕投藥餌
枉害生靈至祝

產後服藥次序調理法

若產後將息如法四肢安和無諸疾苦亦須
先服黑神散五六服止之亦略備補益圓散

如四物散四順理中圓內補當歸圓當歸建
 中湯之類不可太過又恐因藥致疾也若產
 婦血盛初經生產覺氣悶不安者調七寶散
 服之若寧貼不須服 若三日後覺壯熱頭
 痛胃脘氣刺者不可便作傷寒傷風治之須
 予細詳證 若是乳脉將行而有此證宜服
 玉露散壹二服如無此證不必服 若是血
 虛發熱者只用加減四物湯當歸川芎赤芍
 藥生乾地黃洗北柴胡去五味各淨秤叁錢

重咬咀水煎服 若產後晝日明了暮則憎
 寒發熱譫語者亦宜服之 若是感冒憎寒
 發熱頭痛者但可與秦艽鱉甲散神仙百解
 散或生料五積散方始穩當不可輕用柴胡
 麻黃大黃石膏等藥 若因床帳太暖或產
 婦氣盛或素多喜怒覺目眩暈如在舟車之
 上精神鬱冒者此是血暈即宜服清魂散一
 二服 愈或燒舊漆器以烟熏產婦鼻或打
 醋炭熏之亦可 覺粥食不美虛困者可服

四順理中圓三四服 若於兩三日內覺腹
中時時撮痛者此爲兒枕作痛但服局方當
歸散黑神散必愈其他疾證見郭稽中方論
中

產後中風者

荅曰產後五七日內強力下床或壹月之內
傷於房室或懷憂怒擾盪冲和或因灼艾傷
動藏府得病之初眼澁口噤肌肉羸搖漸至
腰脊筋急強直者不可治此乃人作非偶爾

中風所得也 愈風散或可療

產後心痛者何

荅曰心者血之主人有伏宿寒因產大虛寒
搏於血血凝不得消散其氣遂上衝繫於心
之絡脉故心痛但以大岩蜜湯治之寒去則
血脉溫而經絡通心痛自止若誤以爲所傷
治之則虛極寒益甚矣心絡寒甚傳心之正
經則變爲真心痛朝發夕死夕發朝死藥不
可輕用如此失笑散亦妙

產後心腹刺痛者何

答曰大產後心腹刺痛者由母胎中宿有血塊因產時其血被散與兒俱下則無患也若產婦藏府風冷使血凝滯在於小腹不能流通則令結聚疼痛名曰兒枕若不汗則變成疝瘕也宜延胡索散

產後血氣不通咳嗽者何

答曰產後咳嗽多因食熱麪壅納或熱病或有氣塊發時充心痛氣急咳嗽四肢寒熱心

悶口乾或時煩躁睡夢驚悸氣虛肢體無力宜服局方真異功五積散加棗煎或黑神散却以主對藥治之

產後大便秘澁者

答曰產後水血俱下腸胃虛竭津液不足是以大便秘澁不通也若過六七日腹中悶脹者此有燥屎在藏府以其乾澁未能出耳宜服麻仁圓以津潤之若誤以爲有熱而投以寒藥則陽消陰長變證百出性命危矣

前論云若誤以為有熱而投以寒藥則陽消陰長變證百出性命危矣而出方以麻仁圓反用大黃可謂方論相反耳不若以局方四物湯去熟地黃只用生乾地黃加去白青皮煎服喫四肢如半日又不通覺產婦少壯實者却少少與麻仁圓只豈一服止之不可太過也

產後乳汁或行或不行或癰腫證治

凡產婦氣脉壅塞乳汁不行或經絡凝滯妨

乳脹痛留蓄邪毒或作癰腫但服漏蘆散自然內消乳汁通行或乳脉將行之時身體壯熱疼痛頭目昏痛或大便澁滯者可與玉露散此藥大能涼膈壓熱下乳
婦人大全良方

產後將護法

凡婦人生產畢且令飲童子小便壹錢不得便臥且宜閉目而坐須臾方可扶上床仰臥不得側卧宜立膝未可伸足高倚床頭厚鋪茵褥遮圍

四壁使無孔隙免被賊風兼時時令人以物從心擱至臍下使惡露不滯如此三日可止仍不可令多臥如臥多看承之人宜頻喚醒舊說產婦分挽了三日方可上床若三日上床則必就地睡臥又豈可令產婦近地氣乎纔生產畢不得問是男是女且先研醋墨三分服之壹法云不可服醋墨有傷肺經成咳嗽之戒誠過慮也然醋墨本破凝結之血然不可用大醖之醋仍不可太多卽不至傷肺

然所在皆同亦有不喫者更產後三日內令產婦嘗聞醋炭氣或燒乾漆烟若無乾漆以破舊漆器燒之以防血逆血迷血運不省之患夏月宜於房門外燒磚以醋沃之置於房中夏月房中不須著大分挽之後須更且食大及煮粥煎藥之類白粥壹味不可令太飽頗少與之爲妙逐日漸增之煮粥時須是煮得如法不用經宿者又不可令溫冷不調恐留滯成疾仍時與童子小便壹盞飲之亦須先備小便若遇夏月以薄荷養之新產

後不問腹痛不痛有病無病以童子小便以酒和半瓊溫服五七服妙壹臍七日也之後方可少進醇酒并些小塩味 壹法纔產不得與酒緣酒引血逆入四肢兼產母臟腑方虛不禁平聲酒力熱酒入腹必致昏悶七日後少進些酒不可多飲如未出月間欲酒喫或服藥者可用淨黑豆壹升炒令煙出以無灰酒五升澆淋之仍入好羌活壹兩洗淨拍破同浸九妙常用此酒下藥或時時飲少許可以辟風

邪養氣血下惡露行乳脉也如產婦素不善飲酒或夏月之間亦不須強飲壹臍之後恐喫物無味可爛煮羊肉或雌鷄汁略用滋味作粥飲之或喫爛煮猪蹄肉忌母猪肉及白脚猪肉不可過多今江浙間產婦多喫熟雞子亦補益亦風俗也三月之後方可少食濕麪食麪或腫疾凡喫物過多恐成積滯若未滿月不宜多語喜笑驚恐憂惶哭泣思慮恚怒強起離床行動久坐或作針線川力工巧恣食生冷粘硬菓菜肥膩魚肉之物及不

避風寒脫衣洗浴或冷水洗濯當時雖未覺
大損滿月之後卽成蓐勞手脚及腰腿痠重
冷痛骨髓間颼颼如冷風吹繼有名醫亦不
能療大都產婦將息須是滿百日方可平復
大慎觸犯此多致身體強直如角弓反張名
曰蓐風遂致不救又不得夜間獨處緣去血
心虛恐有驚悸切宜謹之所有血衣洗濯不
得於日中曬曝免致邪祟侵傷又不得濯足
恐血氣攻下又不得刮舌傷心刷齒及就下低

頭皆成血逆血運此產家謹護之常法也滿
月之後尤忌任意飲食觸冒風寒恣意喜怒
梳頭川力高聲作勞工巧房慾詳見後及上高
廁便溺之類如此節養攝生百粹始得血氣
調和臟腑平復自然安帖設不依此卽致產
後餘疾矣小可虛羸矢於將補便成大患終
身悔而不及或有諸疾不論巨細後並有方
藥醫療不得信庸醫妄投藥餌經云婦人非
止臨產須憂產後大須將理慎不得恃身體

和平收次為之乃縱心恣意無所不為皆有觸傷便難整理犯時微若秋毫感病重如山岳知命者可不謹之

產後調理法

若產後將息如法四肢安和無諸疾苦亦須先服黑神散四服亦略備補益圓散之類不可過多又恐因藥致疾不可不戒如四物湯圓內補當歸圓皆歸建中湯或產婦血盛初經生產覺氣悶不安者調七寶散方見後服之若寧帖不須

服若三日後覺壯熱頭痛胃腑氣刺者不可便作傷寒傷風治之此是乳脉將行宜服玉露散壹二服如無此證不須服若因床帳大暖或產婦氣盛或素多喜怒覺目眩暈如在舟車精神鬱冒者此是血暈仰須服血暈藥壹二服方見後仍須看承之人照管問當也或覺粥食不美虛困即服四順理中圓一二服若不如此若於兩三日間覺腹中時時撮痛者此為兒枕作痛必須服治兒枕藥一二服方見後

若大便秘或小便澁切不可服通利藥以其
無津液故也若投通利之藥則滑泄不禁不
可治也切須戒之若祕甚必欲通利方可服
和暖藥卽通後方見

產科序論

世傳產書甚多千金外臺會玉產寶馬氏王
氏崔氏皆有產書巢安世有衛生寶集子母
祕錄等備則備矣但倉卒之間未易歷試惟
李師聖序郭稽中產科經驗寶慶集二十一

篇凡十八方用之頗効但其間序論未爲至
當始爲料理簡辦於諸方之下以備識之者
非敢好辯也愚詳產後要病無出於郭稽中
二十一論一十八方有益於世多矣予家三
世用之未有不効雖陳無擇所評或是或否
亦不可不詳而究之且如產後眩暈以牡丹
散然其中有大黃芒消况新產後氣血大虛
豈宜輕服又云去血過多而暈者或有之若
言痰暈者十無壹二又如產後熱悶氣上轉

爲脚氣不應用小續命湯僕以百問中方加減而用之此活法也故孟子云盡信書則不如無書此之謂也

治病百法

小產
夫婦人半產俗呼曰小產也或三月或四五月皆爲半產已成男女故也或因憂恐暴怒悲哀太甚或因勞力打撲傷損及觸風寒或著暴熱不可用黑神散烏金散之類內犯

乾姜之故止可用玉燭散和經散湯之類是也

大產

夫婦人大產十月滿足降誕者是也或臍腰痛乃敗血惡物之致然也降世便作虛寒以燥熱治之誤人多矣難經曰諸痛爲實實者熱也可用導水丸禹巧散瀉五七行慎不可便服黑神散神神烏金散燥之同半產治之則可矣

乳汁不下

夫婦人有天生無乳者不治或因啼哭悲怒鬱結氣溢閉塞以致乳脉不行用精猪肉清湯調和美食於食後調益元散五七錢連服三五服更用木梳梳乳周回百餘遍則乳汁自下也又壹法豬蹄湯調和美味服之乳汁亦下 合用熟豬蹄四枚食之亦効 又壹法鍼肩井二穴亦効

產後潮熱

夫婦人產後壹二日潮熱口乾可用新汲水調玉露散或冰水調服之亦可或服小柴胡湯加當歸及柴胡飲子亦可慎不可作虛寒治之

治法雜論

火類

凡婦人大產後或臍腹腰痛乃敗血惡物之致然也醫者便作虛冷以燥熱藥治之誤已久矣難經曰諸痛爲實實者熱也可用導水

九禹功散瀉三五行然後以玉燭散和血通
經降火益水之藥治之獨不可便服黑神散
燥熱之藥常同半產治之

凡婦人產後心風者不可便作風治之宜調
胃承氣湯二兩加當歸半兩細剉用水三四
盞同煎去滓分作二服人下三五行則愈矣
如未愈以三聖散吐之蓋風狂便屬陽

凡婦人產後壹二日熱甚口乾可用新汲水
調玉燭散或水調甘露散亦妙勿作虛寒治

之

澹察方

半產正產夫半產正產婦人之常也然其間
多有產後染成大患忽絕無月行忽官臟虧
損不禁忽積成癥瘕而歲久月深傾損性命
此無他輕之以半產而不甚將養之所致也
不知半產之後其將養過當如正產十倍正
產止血臟空虛半產卽肌肉腐爛嘗切譬之
正產有如果中之栗夫栗之爲物俟其自熟

陰陽氣足則其殼自開而栗自墮方是之時
平之與殼兩無所損如婦人懷孕十月已滿
陰陽氣足則其子宮自開而兒子生下若月
未滿足因誤服藥餌忽寒邪熱毒所傷忽扶
輕舉重忽倒地打傷其胎臟傷損胞系腐爛
然後其胎墜下卽有如世人採折新栗碎其
皮殼就殼中斷其根蒂然後取得栗子此其
半產之喻也以其胎臟傷損胞繫斷去而後
胎墜下則半產之人將養調理得不過如正

產十倍者哉正產之後補其虛損生其好血
化其惡血保其臟氣去其風邪人人無有不
安也半產之後補其虛損生其肌肉益其氣
血窮其所因解其病源去其風邪養其臟氣
加之將養過如正產十倍傷損之胎無不平
復也吁世之人有病而至於傾危不可勝數
得不惜哉錄
婦人產當寒月寒氣入產門臍下脹滿手不
可犯此寒疝也醫將治之以抵堂濕謂其有

瘀血嘗教之曰非其治也司服張仲景羊肉湯少減水貳服遂愈

本草註

有婦人方產壹兩日間頭疼發熱或發寒熱其說有三一則作妳二則敗血不行三則傷風先以手按妳子妳痛者是作妳也宜服順氣散及芡蓂末之類以通其妳更以溫酒洗之妳通則無事妳若不痛即問敗血行不行如敗血不行即是血作也急服行血藥如黑神散沒藥當歸之類妳既不痛敗血自行而

乃身熱頭疼發寒熱是傷風也依傷寒法隨證治之

金匱方

產後病脉證治

問曰新產婦人有三病一者病瘧二者胃鬱胃三者大便難何謂也師曰新產血虛多汗出喜中風故令病瘧亡血復汗寒多故令鬱胃亡津液胃燥故大便難產婦鬱胃其脉微弱不能食大便反堅但頭汗出所以然者血

虛而厥厥而必冒冒家欲解必大汗出以血
 虛下厥孤陽上出故頭汗出所以產婦喜汗
 出者亡陰血虛陽氣獨盛故當汗出陰陽乃
 復大便堅嘔不能食小柴胡湯主之方見大
 方科嘔
 病解能食七八日更發熱者此為胃實大承
 氣湯主之方見大方
 科傷寒門
 產後腹中疝痛當歸生姜羊肉湯主之并治
 腹中寒疝虛勞不足

當歸生姜羊肉湯方方見大方
 科諸疝門

產後腹痛煩滿不得卧枳實芍藥散主之

枳實芍藥散方

枳實燒令黑
 勿太過芍藥等分

右二味杵為散服方寸匕日三服并主癰
 膿以麥粥下之

師曰產婦腹痛法當以枳實芍藥散假令不
 愈者此為腹中有乾血著臍下宜下瘀血湯
 主之亦主經水不利

下瘀血湯方

大黃二兩 桃仁二十枚 蟅虫二十枚

右三味末之煉蜜和為四丸以酒壹升煎

壹丸取八合頓服之新血下如豚肝

產後七八日無太陽證少腹堅痛此惡露不

盡不大便煩燥發熱切脉微實再倍發熱日

晡時煩燥者不食食則讖語至夜即愈宜大

承氣湯主之熱在裏結在膀胱也方見大方

產後風續之數十日不解頭微痛惡寒時時

有熱心下悶乾嘔汗出雖久陽旦證續在耳

可與陽旦湯即桂枝湯方見大方科諸病門

產後中風發熱面正赤喘而頭痛竹葉湯主

之竹葉湯方

竹葉乙把 葛根三兩 防丰乙兩 千金

桔梗桂枝 人參各乙 甘草附

子膏枚 附子大棗 生姜五兩

右十味以水壹斗煮取二升半分温三服

千金方分温覆使汗出 頸項強用大附

子壹枚破之如豆大煎藥揚去沫漚者加
 半夏半升千金方洗○三因方乾葛分防
 風桔梗桂心人參甘草各一分附子炮去皮
 右為剉散每服四錢水一盞半姜五片棗
 三個竹葉十片煎七分去滓空腹服嘔者
 加半夏

婦人乳中虛煩亂嘔逆安中益氣竹皮大丸
 主之
 竹皮大丸方

生竹茹二分石膏二分桂枝二分甘草七分白薇二分
 右五味末之棗肉和丸彈子大以飲服膏
 丸日三夜二服有熱者倍白薇煩喘者加
 栝實壹分

產後下利虛極白頭翁加甘草阿膠湯主之
 白頭翁加甘草阿膠湯方千金方三因方
 白頭翁二分黃連二分藥皮三分秦皮一分
 各各參兩○千金方甘草二分阿膠一分
 兩參四方去麤皮

右六味以水七升煮取二升半內膠令消
盡分溫三服千金方分○三因方右為剉
散每服四錢水壹盞半煎七分去滓空心
服婦人大全
良方同

千金三物黃芩湯治婦人在草蓐自發露得
風四肢苦煩熱頭痛者與小柴胡湯頭不痛
但煩者此湯主之

黃芩乙兩○干苦參貳兩乾地黄四兩
右三味千金方以水八升煮取二升溫服

育升千金方煮取貳升去滓多吐下虫○

南陽活人書右剉如麻豆大每服四錢水
壹盞半煎至八分去滓服無求子活人書
婦人大全良方
同

千金內補當歸建中湯治婦人產後虛羸不
足腹中刺痛不止吸吸少氣或苦少腹中急
摩痛引腰背不能食飲產後一月日得服四
五劑為善令人強壯宜

當歸四兩桂枝三兩○芍藥六兩○干生
兩桂心金方五兩

姜參兩○千甘草兩大棗十枚○千

右六味以水壹斗煮取三升分溫三服一

日令盡若大虛加飴糖六兩湯成內之於

火上煖令飴消若去血過多崩傷內衄千

方作不止加地黃六兩阿膠二兩合八味

湯成內阿膠若無當歸以芎藭代之若無

生姜以乾姜千金方代之

千金方

羚羊角散治產後心悶是血氣上衝心所致

肘後方衛生易簡方療產後心悶不識人汗出羚羊角壹枚燒作

灰下篩以東流水服方寸匕若未瘥須臾

再服易簡方云亦治血取悶瘥乃止

又方肘後方療產後寒殺羊角燒作灰不溫

酒服方寸匕不瘥須臾再進備急方以治

產難○衛生易簡方治產後惡血煩悶用

殺羊角燒灰酒調服又治小兒驚癇

治產乳運絕方徐氏胎產方產後血暈昏迷

雜書

卷十

後方洗擣篩胎產方易簡丸如大豆內鼻

去滑良方又云此是扁鵲法○瑣碎

孔中即愈亦療五絕錄血運生半夏末吹大豆許於鼻中經方

同得效方治產後去血多眩暈頃刻害人

用半夏末少許吹入鼻中

又方神麴末水服方寸匕婦人大全良方簡

亦治產難○肘後方麴衛生易簡末水服

方寸匕不差更服即差

又方肘後方衛生易簡方赤小豆搗為散取

東流水服方寸匕不瘥更服○聖惠方治

產後血運煩悶氣喘急不識人赤小豆三

合炒熟搗細羅為散不計時候煎東流水

調下壹錢

又方含醞醋灑面即愈凡悶即灑之○山居

四要產後血悶打醋炭熏之則醋

又方取醞醋和產血如棗許大服之

治心悶方產後心悶服不得開即當頂上取

髮如兩指大強以人牽之眼即開肘後方同

下乳

鍾乳湯治婦人乳無汁方

石鍾乳 消石壹方用滑石 白石脂各六銖 通草

拾二銖 桔梗半兩切

右五味咬咀以水五升煮三沸三上三下

去滓內消石令烱分服

又方石鍾乳 通草各等分

右二味為末粥飲服方寸匕日三後可兼

養兩兒通草橫心者是勿取 壹方二味酒

五升漬壹宿明旦煮沸去滓服壹升日三

夏冷服冬温服

又方石鍾乳四兩 甘草貳兩 壹 漏蘆參兩 通草

栝蘆根五兩

右五味咬咀以水壹斗煮取三升分三服

壹云用栝蘆實壹枚

又方石鍾乳 通草各壹兩 漏蘆半兩 桂心 甘

草 栝蘆根各六銖

右六味治下篩酒服方寸匕日三最驗

又方石鍾乳 漏蘆 各貳兩

右二味治下篩飲服方寸匕即下

漏蘆湯治同前

漏蘆 通草 各貳兩 石鍾乳 壹兩 黍米 壹升 粳米 壹升 粳米 壹升

方

右四味咬咀米宿漬搗取汁 婦人大全良方研取

汁三升煮藥三沸去滓作飲飲之日三〇

良方云余荆布因產前食素得疾羸弱產

後乳脉不行已七十日服諸藥無效嬰兒

甚苦偶有人送赤豆壹斗遂如常煮赤豆

粥食之當夜乳脉通行闕本草赤小豆能

通妳乳謾載之 鈴方云壹方以赤小豆作粥如常服之

漏蘆散治同前

漏蘆 半兩 石鍾乳 栝萹根 各壹兩 蟬蟪 叁合

右四味治下篩先食糖水服方寸匕日三

〇聖惠方治產後乳汁少及不下神效方

蟬蟪漏蘆鍾乳粉菰蘆根 已上各壹兩 右件藥

搗細羅爲散不計時候以溫水調服二錢

單行石膏湯治同前石膏四兩研以水二升
煮三沸稍稍服膏日令盡○聖惠方右以
水二大盞煎至膏盡去滓分溫三次服
麥門冬散治同前

麥門冬 通草 理石 石鍾乳

右四味各等分治下篩先食酒服方寸匕
日三○聖惠方理石半兩麥門冬壹兩夫鍾
乳粉半兩木通半兩右件藥搗細羅爲散不
計時候以溫酒調下壹錢

又方麥門冬 通草 理石 石鍾乳 土

瓜根 大棗 蟻螬

右七味等分治下篩食畢用酒服方寸匕
日三

又方母猪蹄壹具粗切以水二斗熟煮得五
六升汁飲之不出更作

又方猪蹄貳枚熟通草細切

右二味以清酒壹斗浸之稍稍飲盡不出
更作外臺猪蹄不炙以水壹斗煮取四升

入酒四升更煮飲之○產寶母豬蹄貳枚

通草右以絲裹和煮作羹食之妙和劑局

方豬蹄湯治妳婦氣少血衰脉澀不行絕

無乳汁豬蹄壹通草五兩○參因方婦人

粹方右將豬蹄淨洗依食法事治次用水

壹斗同通草浸煮得四五升取汁飲如乳

不下再服為妙滯察方醫方集成南北經

同得效方又云服了用梳頭木梳於乳上

梳下效良方云右以水壹斗煮作羹食之

昇妙按壽親養老書豬蹄羹母豬蹄貳隻

剉木通壹兩半剉

右先將木通以水五升煎取四升去木通

和豬蹄入五味如常法煮羹任意食

又方栝萋根切壹升酒四升煮三沸去滓分

三服○產寶栝萋末右以井花水服方寸

匕日二服夜流出壽域神肘後方栝萋根

燒灰米飲服方寸匕神方同衛生易簡方

為末每服方寸匕酒調或

又方栝萋根 漏蘆各叁兩 石鍾乳四兩 白頭翁

壹兩 滑石 通草 各貳兩

右六味治下篩以酒服方寸匕日三

又方取栝婁子尚青色大者壹枚熟擣以白

酒壹斗煮取四升去滓溫服一升日三黃

色小者用二枚亦好○衛生易簡方治乳

汁少用栝婁子洗淨炒熟為末每服半匙

服訖睡少頃便有乳

又方土瓜根治下篩服半錢匕產寶兩錢匕婦人大全良

方酒調方寸匕衛生日三乳如流水○聖

惠方土瓜根貳兩右擣細羅為散不計時候以熱酒調下二錢

單行鬼箭湯治同前鬼箭五兩以水六升煮

取四升每服八合日三衛生易簡方同亦可燒作

灰水服方寸匕日三

甘草散治同前

甘草壹兩通草叁十銖石鍾乳貳十銖雲母貳兩

屋上散草貳把燒為灰

右五味治下篩食後溫漏蘆湯服方寸匕

日三乳下止○聖惠方治產後乳汁少及
 不下神效方甘草半兩炙木通一兩鍾乳
 粉壹兩雲母粉半兩屋上敗草半兩燒灰右件藥搗
 細羅為散不計時候以溫酒調下壹錢
 又方燒死鼠作屑酒服方寸七日三立下勿

令知

又方燒鯉魚頭為末酒服三指撮

鯽魚湯下乳汁方

鯽魚長七寸猪肪半斤漏蘆 石鍾乳各八兩

右四味切猪肪魚不須洗治清酒壹斗二
 升合煮魚熟藥成絞去滓適寒溫分五服
 其間相去須臾壹飲令藥力相及為佳乳
 即下

虛損

四順理中圓已產訖可服此方

甘草壹兩人參 白朮 乾薑各壹兩

右四味為末蜜和丸如梧子服十丸稍增
 至二十九丸新生藏虛此所以養臟氣也○

和劑局方治新產血氣俱傷五藏暴虛肢體羸之少氣多汗纔產直至百晷每日常服壯氣補虛調養藏氣蠲除餘疾消穀嗜食三因方得效方云兼治人參去蘆乾薑炮產後臟虛嘔吐不止

白朮各壹兩良方永類鈐方云壹方參

兩右為細末煉蜜和圓如梧桐子大每服三十圓米飲溫下空心食前醫方集成南北經驗方袖珍方良方又云纔產了以童子小便打開

點服七日內日三服鈐方產乳方云此乃同

大理中圓加甘草兩倍耳然其功比之四味等分大故不同蓋取甘味以緩其中而通行經絡之功最勝者也此產婦月內不可闕者出月不須服矣古方中有婦人補益之藥如大澤蘭圓小白薇圓熟乾地黃丸大聖散之類其藥味稍衆而中下之家村落之地卒何以致且藥四中少有真者不若以四順理中圓易之較其功比澤蘭圓之類主治頗多也鈐方又云產後一

月內通行經絡大有功出月不必服去血
多臟腑燥當倍用甘草用蜜以潤姜朮當
與當歸元兼服又名四順理中圓

桃人煎治

婦人大全良方有萬病二字

婦人產後百疾諸

氣補益悅澤方桃人壹斤貳佰枚

產寶良方去皮

尖及雙人熬令黃色研如膏

擣令細熟以上好酒一斗

五升研濾三四遍如作麥粥法以極細為

佳內長項瓷瓶中密塞以麩封之內湯中

煮一伏時

產寶良方日壹夜

不停火亦勿令火猛使

瓶口常出在湯上無令沉沒熟訖出溫酒
服壹合日再雖丈夫亦可服之
簡奇方與良方同
石斛地黃煎治婦人虛羸短氣胃逆滿悶風
氣方

石斛 甘草 紫苑各四兩 桃仁半升 桂心二兩

大黃八兩 麥門冬二升 茯苓壹斤 生地黃汁 淳

酒各八升 一方用人參三兩

右十味為末於銅器中炭火上熬內鹿角
膠壹斤耗得壹斗次內飴三斤白蜜三升

和調更於銅器中釜上煎微耗以生竹攪
無令著耗令相得藥成先食酒服如彈子
壹九日三不知稍加至二九

地黃羊脂煎治婦人產後婦人大全良方欲

令肥白飲食平調方

生地黃汁壹斗。良生薑汁五升白蜜各五

羊脂二斤。良

右四味先煎地黃令得五升次內羊脂令
煎減半內薑汁復煎令減合蜜著銅器中

煎如飴取雞子大壹枚投熱酒中服日三
地黃酒治產後百病未產前壹月當預釀之
謹訖薦中服之方

地黃汁壹升好麴 好米各二

右三味先以地黃汁漬麴令發準家法醞
之至熟封七日取清服之常使酒氣相接
勿令斷絕慎蒜生冷酢滑猪鷄魚一切婦
人皆須忌之但夏三月熱不可合春秋冬
並得合服地黃并泮內米中炊合用之膏

石十石一準此壹升爲率先服羊肉當歸湯三劑乃服之佳

羊肉湯治產後虛羸喘乏自汗出腹中絞痛

方

肥羊肉三斤去脂當歸姚氏用葱白芍藥各三兩

升豉壹升桂心各二兩芍藥子母秘錄作葱白生

薑各四兩乾地黄五兩

右八味咬咀以水壹斗半先煮肉取七升去肉內餘藥煮取三升去滓分三服不凝

重作千金翼有葱白壹斤子母秘錄若胃

中微熱加黃芩麥門冬各壹兩頭痛加石

膏壹兩中風加防風壹兩大便不利加大

黃壹兩小便難加葵子壹兩上氣欬逆加

五味子壹兩○肘後方主產後虛乏腹背

急痛者甘草芍藥各壹兩芍藥乾地黄各

四兩生薑五兩桂心三兩葱白羊肉各壹

斤八物以水二斗先煮肉取壹斗半去肉

內諸藥煎取三升分四服壹日須令盡

猪腎湯治產後虛羸喘乏乍寒乍熱病如瘧

狀名蓐勞方

猪腎壹具去脂四破香豉綿白粳米 葱

白各壹升

右四味以水三斗煮取五升時後方水五升煮取三升去滓任情服之不瘥更作廣濟方有人參

當歸各二兩為六味

羊肉黃耆湯治產後虛乏補益方

羊肉三斤黃耆三兩大棗三十枚茯苓 甘草

當歸 桂心 麥門冬 乾地黄 芍藥

各二兩

右十味咬咀以水二斗煮羊肉取壹斗去肉內諸藥煎取三升去滓分三服日三

鹿肉湯治產後虛勞羸損補乏方

鹿肉四斤乾地黄 甘草 芍藥 黃耆

芍藥 麥門冬 茯苓各三兩人參 當歸

生薑各兩半夏壹升大棗二十枚

右十三味咬咀以水二斗五升煮肉取壹

斗三升去肉內藥煎取五升去滓分四服
日三夜壹

麋骨湯治產後虛乏五勞七傷虛損不足臟腑冷熱不調

麋骨具一 遠志 黃耆 芍藥 乾薑 防

風 茯苓壹作厚朴各叁 當歸 橘皮

甘草 獨活 芎藭各二兩 桂心 生薑各四兩

右十五味咬咀以水三斗煮麋骨取二斗

去骨內藥煎取五升去滓分五服

當歸芍藥湯治產後虛損逆害飲食方

當歸壹兩 芍藥 人參 桂心 生薑

乾地黄 甘草各壹兩 大棗貳十枚

右八味咬咀以水七升煮取三升去滓分

三服日三

杏仁湯治產後虛氣方

杏仁 橘皮 白前 人參各三兩 蘇葉

半夏各壹升 桂心兩四 生薑兩十 麥門冬兩二

右九味改咀以水壹斗二升煮取三升半
云滓分五服

治產後上氣及婦人黃豚氣積勞臟氣不足
胃中煩躁關元以下如懷五千錢狀方

厚朴 桂心 當歸 細辛 芍藥 石

膏 桔梗各三兩 甘草 黃芩 澤瀉各二兩

吳茱萸五兩千金翼作大黃 乾地黄四兩 乾薑壹兩

右十三味改咀以水壹斗二升煮取三升
去滓分三服服三劑佳

乳蜜湯治產後七傷虛損少氣不足并腎勞
寒冷補氣方

牛乳七升惡則用羊乳 白蜜壹升 當歸 人參

獨活各三兩 大棗貳十枚 甘草 桂心各二兩

右八味改咀諸藥以乳蜜中煮取三升去
滓分四服

五石湯治產後虛冷七傷時寒熱體痛乏力
補腎治百病

紫石英 鐘乳 白石英 赤石脂 石

膏 茯苓 白朮 桂心 芎藭 甘草
各貳兩 薤白 六兩 人參 當歸 各參兩 生薑 八兩
 棗 貳十

右十五味五石並為末諸藥各咬咀以水
 壹斗二升煮取三升六合去滓分六服若
 中風加葛根獨活各二兩下痢加竜骨壹
 兩

三石湯主百病如前方

紫石英 生薑 當歸 人參 甘草 各貳

附 白石英 鍾乳 各貳兩半 茯苓 乾地黄

桂心 各參兩 半夏 五兩 大棗 十五枚

右十二味三石為末咬咀諸藥以水壹斗
 二升煮取三升去滓分四服若中風加葛
 根四兩

內補黃耆湯治婦人七傷身體疼痛小腹急
 滿面目黃黑不能食飲并諸虛乏不足少氣
 心悸不安方

黃耆 當歸 芍藥 乾地黄 半夏 各參

藥類彙編

卷五

兩茯苓 人參 桂心 遠志 麥門冬
甘草 五味子 白朮 澤瀉 各二兩 乾薑 兩
四大棗 參十枚
右十六味 咬咀 以水壹斗半 煮取三升 去滓 壹服 五合 日三夜 壹服

吳茱萸湯治產後虛羸盜汗漉漉惡寒方吳茱萸參兩以清酒參升漬壹宿煮如蟻鼻沸減得二升許中分之頓服壹升日再服日再作服亦治產後腹中疾痛

猪膏煎治產後體虛寒熱自汗出方

猪膏 生薑汁 白蜜 各一升 清酒 五合

右四味煎令調和五上五下膏成隨意以酒服方寸匕當炭火上熬

鯉魚湯治婦人體虛流汗不止或時盜汗方

鯉魚 二斤 豉 葱白 切各壹升 乾薑 桂心 各二兩

右五味咬咀三物以水壹斗煮魚取六升去魚內諸藥微火煮取二升去滓分二服取微汗即愈勿用生魚

藥類彙編

卷五

桂枝附子湯治產後風虛汗出不止小便難四肢微急難以屈伸者方

桂心 芍藥 生薑各叁兩 甘草壹兩 附子

壹大棗二十枚

右六味咬咀以水七升煎取叁升分爲叁服

虛煩

薤白湯治產後胃中煩熱逆氣方

薤白 半夏 甘草 人參 知母各二兩

婦人大全良方 石膏四兩 ○良枯蕒根
承類鈴方無 麥門冬半升

右八味咬咀以水一斗叁升煮取四升去滓分五服日叁夜二熱甚卽加石膏良方
無 知母各壹兩

竹根湯治產後虛煩方 竹根細切壹斗五升以水二斗煮取七升去滓內小麥二升大棗二十枚復煮麥熟三四沸內甘草壹兩麥門冬壹升湯成去滓服五合不瘥更

服取瘥短氣亦服之婦人大全良方同

人參當歸湯治產後煩悶不安方

人參 當歸 麥門冬 乾地黄 桂心

各壹兩 大棗二十枚 粳米壹升 芍藥四兩 淡竹葉叁升

右九味咬咀以水壹斗二升先煮竹葉及

米取八升去滓內藥煮取三升去滓分三

服若煩悶不安者當取豉壹升以水三斗

婦人大全良方煮取壹升盡服之甚良○

三因方人參當歸麥門冬去心乾地黄桂心

各乙兩芍藥二兩右為剉散每服四人錢水二

盞先將粳米膏合淡竹葉十片煎至膏盡

去米葉入藥并棗三枚煎七分去滓食前

服地黄宜用生乾者虛甚則用熟

甘竹茹湯治產後內虛煩熱短氣方

甘竹茹壹升人參 茯苓 甘草各壹兩 黃芩

叁兩

右五味咬咀以水六升煮取二升去滓分

三服日三婦人大全良方永類鈔方同

知母湯治產後乍寒乍熱通身濕壯胃心煩悶方

知母兩 芍藥 黃芩各貳兩 桂心 甘草各壹兩

右五味咬咀以水五升煮取二升半分三

服壹方不用桂心加生地黃婦人大全良方得效方同

竹葉湯治產後婦人大全良方永類 竹葉湯治產後短氣欲絕 心中

煩悶不解方

生淡竹葉良方切 麥門冬各壹升 甘草二兩良方

方壹兩 生薑良方 伏苓各叁兩良方 大棗

十四枚良方 小麥叁合良方

右七味咬咀以水壹斗先煮竹葉小麥取

八升內諸藥煮取三升去滓分三服良方

煮叁升 若心中虛悸者加人參二兩其人

食少無穀氣者加粳米五合良方云壹方更加茯苓

氣逆者加半夏二兩

淡竹茹湯治產後虛煩頭痛短氣欲絕心中

悶亂不解方

生淡竹茹壹升麥門冬各五兩甘草壹兩

生薑叁兩大棗十四枚

右六味咬咀以水壹斗煮竹茹小麥取八升去滓乃內諸藥煮取二升去滓分二服羸人分作三服若有人參入壹兩若無人參內茯苓壹兩半亦佳人參茯苓皆治心煩悶及心虛驚悸安定精神有則為良無自依方服壹劑不瘥更作若氣逆者加半夏二兩○產寶淡竹茹八分麥門冬叁分甘草壹分

六分小麥二分乾葛八分石膏十分右以水二升

煎取八合食後分為二服

赤小豆散治產後煩悶不能食虛滿方赤小

豆三七枚燒衛生易簡方作末以冷水和頓

服之婦人大全良方同

蒲黃散治產後煩悶方蒲黃以東流水和方

寸匕服極良婦人大全良方同○三因方治產後

虛煩必效蒲黃紙上炒右壹味每服壹

錢匕東流水調下不以時候得效方同徐氏胎

產方產後下血虛羸殆死蒲黃二兩水二升煮取八合頓服備預百要方產後出血大多煩渴方蒲黃末新汲水調下二錢蜀榛湯治產後虛熱往來南陽活人書心胃煩滿骨節疼痛及頭痛壯熱晡時輒甚又如微瘧方

蜀榛葉 桂心 甘草 黃芩各壹兩 黃耆
下知母 芍藥各二兩 生地黃壹斤
 右八味咬咀以水壹斗煮取三升分三服

治寒熱不傷人○活人書右判如麻豆大每服五錢水壹盞半煎至壹盞去滓溫服無求子活人書婦人大全良方同

芍藥湯治產後虛熱頭痛方

白芍藥 乾地黄 牡蠣各五兩 桂心參兩
 右四味咬咀以水壹斗煮取二升半去滓分三服日三此湯不傷損人無毒亦治腹中拘急痛若通身發熱加黃芩二兩

醫方類聚

卷之二百三十

醫方類聚卷之二百三十

醫方類聚卷之二百三十

醫方類聚卷之二百三十

醫方類聚卷之二百三十

醫方類聚卷之二百三十

醫方類聚卷之二百三十

醫方類聚卷之二百三十

